

Кузь нэм да бур шуд!

Эжа йывлөн слава

Асекрит Степанович Тарабукин

Чужис 1926 вося январ 4 лунё Ичот Кужйын. Пыр уджаліс Усть-Куломскöй леспромхозлөн Куж лесопунктын трактористөн, бригадир-механикөн. Социалистическöй ордйысьöмын вермысь.

Гöтырыскöд быдтіс да велöдіс вит челядьöс.

Бур уджысь сетісны «Уджывса ветеран» да юбилейнöй медальяс, почёт грамотаяс.

Куліс 1985 вося апрель 4 лунё Ичот Кужйын.



Дардис

Эжа йывса войтырлөн газет

Петö 1929 восянь

Четверг, 2011 вося декабр 29 лун 155 (10430)-öд №

И көин
ассыс писö
оз сөй

(коми шусьöг)

ТÖДÖЙ, МЫЙ ВЫЛЫС

САДЬ ОЛАСНОГ ВÖСНА

Декабр 27 лунё вöлі наркотикъяслы, вина юöмлы да найöс закон торкалöмөн вузалöмлы паньд сулалан районса комиссиялөн заседание.

Кызди уджалöны том йöз пöвстын, медым найö эз сетчыны вина юöмланы, юöртисны районса администрациясь общественностькöд йитöд кутан да том йöзлөн туйвизь кузя юкөнса главнöй специалист И.И.Кинаш, велöдан управлениеса начальникöс вежысь О.В.Лебедева, нарколог А.В.Лютюев, ветеранъяслөн райсöветса председатель Г.А.Кравченко.

Том йöз пöвстын удж нуöдгөн правоохранительнöй органъяслы отсасöм могысь ас окота серти уджалысь том йöзлысь котыръяс лöсьöдöм йылысь сёрнитисны И.И.Кинаш да районса администрациясь общественнöй безопасностьт юкөнса начальник С.А.Романов.

Районса администрациясь культура да национальнöй туйвизь кузя юкөнөн веськöдлысь Т.Н.Попова юöртис культуралөн учреждениеса наркотикъяслы да вина юöмлы паньд сулалан да бур оласног ышöдан видеороликъяс петкöдлöм йылысь.

Сёрнитанторъяс кузя аслас мөвпгясөн юкис районса юралысь Д.А.Шатохин.

Примитисны 2012 во вылö комиссиялысь уджалан план.

ЛОИСНЫ ВЕРМЫСЬЯСÖН

Тимшерын вöлі лыйсьöм кузя районса ордйысьöм.

Кулöмдінысь, Немдінысь да Тимшерысь лыйсьыяс кындзи вöліны Печораысь, Ухтаысь да Сыктывкарысь, ставыс 40 морт.

Бура петкöдчисны тимшерсаяс. Бджыд арлыда нывъяс пöвстын пневматическöй винтовкаөн лыйсьöм кузя Лариса Кирушева босьтис медводдза места, Анастасия Пешкина - коймöдöс. Зонъяс пöвстын Сергей Шебырев лоис коймöдөн. Пневматическöй пистолетысь медяя стöча лыйсис тренер А.А.Паршуков.

Ичот арлыда зонъяс пöвстын пневматическöй винтовкаысь лыйсьöм кузя куйман местасö босьтисны тимшерсаяс: Андрей Хаменко, Дмитрий Андреев да Артём Паршуков.

Сиджö лоисны вермысьясөн Виктория Сидякина, Виктория Эрберт да Екатерина Паршукова.

ВÖЧИСНЫ ИСЛАСЯНІН

Носимын вöчисны исласянін.

Уджалисны Н.А.Кочанов, А.Н.Турьев, Н.Ю.Гилев да Е.В.Иванов. Гöгöрыс югыд, позьö исласны коть рыгнас.

Вöчасны и Паспомын. Пиломатериалөн могмöдіс ас вылö уджалысь Е.В.Наймушин.

КОТРАЛІСНЫ ОЛÖМАЯС

Олöмаяслөн «Дзоньвидзалун» котыр сувтіс лыжи вылö.

Шойччан лунъясö 16 морт котраліс «Пожöмаяг» турбазын. Бöрыннас чай юигмоз сёрнитисны тöжд-могыас йылысь, шойччисны.

Асланым да общ. корреспондентъяс.

НАЦИОНАЛЬНÖЙ ПРОЕКТ: ДЗОНЬВИДЗАЛУН



ДЕРЕВАННÖЙЫН ВОССИС АМБУЛАТОРИЯ

Дереваннöйын воссис амбулатория. Волісны Госсöветса депутатъяс А.Н.Самоделкин да В.А.Косов, районса юралысь Д.А.Шатохин, чина мукöд йöз.

Бур, мый Кулöмдін районын бура пöртсьö олöмö йöзöс бурдöдан республикаса программа, - тöдчöдіс А.Н.Самоделкин. - Тані уджалöны йöз, кодъяс көйöны олöмсö вежны бурланьö, збыльмöдöны мөвпыштöм-торъяс. Мед татшöм амбулаторияяс вөссясны и мукöдлаын.

Шоныда сёрнитисны и мукöдъяс. Найöс да амбулатория вöчысьясöс атгöалисны дереваннöй-саяс, торйөн нин Кулöмдінса райбольничайн веськöдлысь И.В.Книгницкаяяс да Сыктывкарысь

«Рост» котырöс, коді вöвлөм керка выльмöдіс подувсянь. - Тані, майбыр, шоньд. Важас öтарö кынимим, - висьталіс амбулаторияөн веськöдлысь Наталья Владимировна Воронова. - Бур лоö и висьсысьяслы. Лоасны челядьöс, верстыö йöзöс да нывбабаясöс примитанінъяс, прививка да укол вöчанінъяс, пинь бурдöданін. Бджыдас шоньтысьян жыр, кытчö воас содтöд аппаратура. Бур выльтор: вөссяс öтувъя клинической анализъяс босьтан лаборатория. Сэні кутас уджавны Помöсдінысь локтöм фельдшер-лаборант. Могмöдны кутас тшöтш Ручса олысьяс. Вөссяс и аптека. Тайö ёна кокньöдас дереваннöйсаясöс, кодъяс

водзті лекарство вөвлісны юрсиктöдз. Бур сійö, мый пөсласянін лоис бурдöдчанін бердын, таöдз вöлі торъя керкаын. Врачөн индिसны Наталья Владимировна. Сійö помаліс Ярославльса медицинскöй академия, 16 во уджаліс участкаса педиатрөн. 2004 воын содтöд велöдчис Архангельскса медицинскöй академиялөн Сыктывкарса филиалын öтувъя практикаа врачö. Кольöм воын выльысь велöдчис курсьяс вылын, вынсьöдіс сертификатсö. Выль восянь лоас öтувъя практикаа врачөн. Висьсысьясöс вермас примитны кызд терапевт, окулист, акушер-гинеколог да с.в. Тайö ёна кокньöдас йöзöс, кодъяс кутасны бурдöдчыны места вылын, а оз

мунны Кулöмдінö. Тані жö позяс прöйдитны проф-осмотръяс.

Оні Дереваннöйын лоис врач, выль бурдöдчанін, кытчö регид воас выль оборудование, - висьталіс Кулöмдінса шöр бурдöдчанінөн веськöдлысь И.В.Книгницкая. - Кольöм воын ньöбим выль машина, таво босьтім гараж улö сруб, кодöс кыпöдасны локтан воын. Лоис став позянлун, медым бурмöдны йöзлысь дзоньвидзалун. Ставыс уджалысьяс сайын.

Врачлөн амбулаторияяс лоасны нöшта Ручын, Керчомъяын да Пожöгын. Вөссясны найö локтан воын.

Галина НЕСТЕРОВА.
Авторлөн снимок
вылын: амбулатория
вөсйтгөн.

